



Coimisiún  
na Meán

# Scéim Tuairiscithe Daonlathais Áitiúil

Dáta foilsithe: 10 Iúil 2024

Tá breac-chuntas sa doiciméad ar an **Scéim  
Tuairiscithe Daonlathais Áitiúil** lena n-áirítear:

- Cuspóirí na scéime;
- Paraiméadair na scéime; agus
- An chaoi a reáchtálfar í.

# Clár Ábhar

<b>1.</b>	<b>Réamhrá</b>	<b>3</b>
<b>2.</b>	<b>Réamhrá</b>	<b>3</b>
<b>3.</b>	<b>Ról an Choimisiúin</b>	<b>4</b>
3.1	Comhthéacs Reachtaíochta don Scéim Tuairiscithe Daonlathais Áitiúil	4
3.1.1	Bunú na Scéime	4
3.1.2	Sainmhíniú ar Iriseoireacht chun Leas an Phobail	5
3.1.3	Cuspóirí na Scéime	5
3.2	Cur chuige an Choimisiúin maidir le cur i bhfeidhm Scéimeanna Maoinithe	5
<b>4</b>	<b>Scóip na Scéime Tuairiscithe Daonlathais Áitiúil</b>	<b>6</b>
4.1	Iriseoireacht chun Leas an Phobail	6
4.2	Ábhar	6
4.3	Critéir Incháilitheachta	6
4.4	Rochtain Phoiblí ar Chláir Mhaoinithe	8
4.5	Bearta Coimhdeacha: Béim ar Ábhar chun Leas an Phobail	8
<b>5</b>	<b>Maoiniú</b>	<b>8</b>
5.1	Leithdháileadh cistí laistigh de Scéim Tuairiscithe Daonlathais Áitiúil	8
5.2	Cineálacha deontais	8
5.3	Oibleagáidí faoi Rialacha an AE maidir le Státchabhair	9
5.4	Babhtáí Maoinithe	9
5.5	Maoiniú a Admháil	9
<b>6</b>	<b>Iarratas, Measúnú agus Dámhachtainí</b>	<b>10</b>
6.1	An Próiseas Iarratais	10
6.2	An Próiseas Measúnaithe	10
6.3	An Próiseas Dámhachtana	10
<b>7</b>	<b>Athbhreithniú ar an Scéim Tuairiscithe Daonlathais Áitiúil</b>	<b>11</b>
<b>8</b>	<b>Aguisín 1 – Liosta d’Údaráis Áitiúla</b>	<b>12</b>

# 1. Réamhrá

Mhol Tuarascáil Choimisiún um Thodhchaí na Meán gur cheart an Ciste Craolacháin, dá bhforáiltear faoi láthair faoi Chuid 10 de na hAchtanna Craolacháin agus Achtanna eile um Rialáil na Meán 2009 agus 2022 agus a thacaíonn leis na Scéimeanna Fuaime agus Físe agus Cartlannaithe, a iompú ina Chiste Meán chun maoiniú a sholáthar ar bhonn neodrach ó thaobh ardáin d'earnáil na meán i gcoitinne. Is aidhm uileghabhálach tacú le raon scéimeanna maoinithe do Sholáthraithe Ábhar Seirbhíse Poiblí ar bhonn céimnithe lena n-áirítear: -

- Scéim Tuairiscithe Daonlathais Áitiúil;
- Scéim Tuairiscithe na gCúirteanna;
- Tacaíocht don Chlaochlú Digiteach;
- Scéim Tuairiscithe Nuachta;
- Scéim Rochtana agus Oiliúna; agus,
- Scéim na Meán Pobail.

Thug na moltaí tús áite do bhunú Scéim Tuairiscithe Daonlathais Áitiúil<sup>1</sup>. Agus moladh den sórt sin á dhéanamh, d'aithin Coimisiún um Thodhchaí na Meán ("FoMC") 'an ról criticiúil agus luachmhar a bhí ag earnáil láidir neamhspleách meán i saol cathartha agus cultúrtha na hÉireann agus san ord daonlathach' agus 'tionchair chlaohlaitheacha teicneolaíochtaí digiteacha agus na bagairtí gaolmhara a bhíonn roimh na meán.'

Mhol an FoMC freisin gur cheart do Choimisiún na Meán Ciste na Meán a oibriú chun a chinntiú go bhfuil cinntí maoinithe neamhspleách ar an Rialtas, agus go mbunófaí Ciste na Meán ar bhonn riaracháin sula mbunófaí é go foirmiúil ar bhonn reachtúil.

I bhfianaise na moltaí seo ón FoMC, leithdháileadh €6 mhiliún i mBuiséad 2024 ar Chiste na Meán ar bhonn riaracháin, agus is iad na tosaíochtaí ná Scéim Tuairiscithe na gCúirteanna agus Scéim Tuairiscithe Daonlathais Áitiúil a bhunú.

Tá torthaí agus moltaí na tuarascála FoMC, taighde agus obair chomhairliúcháin a rinne an Roinn Turasoireachta, Cultúir, Ealaíon, Gaeltachta, Spóirt agus Meán agus Grúpa Oibre Forfheidhmithe FoMC mar bhonn eolais ag Scéim Tuairiscithe Daonlathais Áitiúil a chuirtear i láthair thíos.

# 2. Réamhrá

Is scéim tacaíochta iriseoireachta í Scéim Tuairiscithe Daonlathais Áitiúil ("an Scéim") a fheidhmíonn Coimisiún na Meán ("An Coimisiún") agus a mhaoinítear trí mhaoiniú státchiste. Is é príomhchuspóir na Scéime seo a chinntiú gur féidir leis na meán áitiúla leanúint dá ról ríthábhachtach a chomhlíonadh maidir le tuairisciú, ag iriseoirí oilte, ar institiúidí poiblí agus ar údaráis phoiblí ina mbreathnaítear ar shaincheisteanna a bhfuil tábhacht ag baint leo don phobal, amhail Údaráis Áitiúla, Comhairlí Ceantair Bardasaigh, Comhchoistí Póilíneachta agus Fóraim Sláinte Réigiúnacha agus fóraim eile.

Sa chomhthéacs sin, tá sé mar aidhm aige tacú le hiriseoireacht chun leas an phobail ar ardchaighdeán agus inrochtana ag iriseoirí oilte a chruthú, i dhá theanga oifigiúla na hÉireann. Neartóidh sé seo iolracht, feabhsóidh sé rochtain shaoránaigh ar fhaisnéis iontaofa ar ardchaighdeán ar Ghnóthaí Poiblí na hÉireann, tacóidh sé le teacht aniar earnálacha na meán nuachta agus cumasóidh sé díospóireacht shaor agus

<sup>1</sup> Tagair do Mholadh Thuarascáil FoMC 6-2.

oscailte ar ábhair chun leas an phobail agus ábhair a bhfuil tábhacht ag baint leo, agus rannpháirtíocht i sochaí dhaonlathach ag saoránaigh eolasacha. Is é seo an chéad leagan den Scéim.

Leagtar amach sa doiciméad seo príomhghnéithe na Scéime i dtéarmaí ról an Choimisiúin, na cuspóirí, na scóipe, an mhaoinithe atá ar fáil agus na bpróiseas oibríochta. Foilseoidh an Coimisiún cáipéisíocht tacaíochta d'iarraitasóirí ionchasacha ar bhabhtáí maoinithe agus ar aon bhearta forbartha gaolmhara go rialta thar shaolré na Scéime.

## 3. Ról an Choimisiúin

Tá an Coimisiún freagrach as bainistiú na Scéime, lena n-áirítear rialachas corparáideach agus eisíocaíocht na gcistí. Is é an tAire Turasóireachta, Cultúir, Ealaíon, Gaeltachta, Spóirt, agus Meán a chinneadh an leibhéal maoinithe ar bhonn bliantúil. Clúdaíonn an maoiniú a leithdháiltear riaradh aon scéime, nó scéimeanna, agus deontais mhaoinithe araon.

### 3.1 Comhthéacs Reachtaíochta don Scéim Tuairiscithe Daonlathais Áitiúil

#### 3.1.1 Bunú na Scéime

Tugann Alt 7(5)(b) de na hAchtanna Craolacháin agus Achtanna Eile um Rialáil na Meán 2009 agus 2022 cumhacht don Aire Turasóireachta, Cultúir, Ealaíon, Gaeltachta, Spóirt agus Meán socruithe a dhéanamh leis an gCoimisiún chun scéimeanna a chur ar bun chun tacú le *'soláthar nuachta ardchaighdeáin, éagsúil agus nuálach a spreagadh agus chun trácht a dhéanamh ar cúrsaí reatha'*.

Sa chomhthéacs seo, ullmhóidh an Coimisiún agus cuirfidh sé faoi bhráid an Aire scéim chun cistí a dheonú chun tacú le gach ceann nó le haon cheann de na **hiriseoireacht bhreise chun leas an phobail** seo a leanas:

- a) Clúdach cuimsitheach ar imeachtaí na n-údarás áitiúil agus na gcoistí lena mbaineann;
- b) Tuairisciú ar fheidhmeanna agus ar ghníomhaíochtaí na n-údarás áitiúil;
- c) Athbhreithniú a dhéanamh ar fhoilseacháin agus ar thaifid chun scéalta, ar ábhar spéise don phobal iad, a aithint;
- d) Tuairisciú ar ábhair eile a bhaineann leis an daonlathas áitiúil atá chun leas an phobail.

Baineann an tacaíocht mhaoinithe seo go príomha le clúdach méadaithe sna meáin ar chúrsaí daonlathais áitiúil agus leas an phobail atá ar fáil do chách.

Sa chomhthéacs sin, i mBuiséad 2024, leithdháileadh €6 mhilliún chun dhá scéim iriseoireachta a bhunú ar bhonn tosaíochta agus ní mór don Choimisiún a chinntiú go leithdháiltear méid nach lú ná 50% den mhaoiniú foriomlán ar an Scéim Tuairiscithe Daonlathais Áitiúil.

Cuirfeadh an scéim i bhfeidhm de réir Rialacha Státchabhrach agus mar atá leagtha amach i gCinneadh an Choimisiúin Eorpaigh ar an 20 Nollaig 2011<sup>2</sup>, ní leithdháiltear an maoiniú ach ar thionscadail a chuirfidh ábhar seirbhíse poiblí ar fáil a thacaíonn le hiriseoireacht chun leas an phobail d'éagsúlacht lucht féachana/éisteachta Éireannach, lena n-áirítear i nGaeilge, mar atá leagtha amach in a) a fhad le d) thuas agus ar an gcaoi sin a chomhlíonfaidh oibleagáidí seirbhíse poiblí na scéime.

<sup>2</sup> Cinneadh maidir le Seirbhís lena n-Gabhann Leas Eacnamaíoch Ginearálta (2012/21/AE)



### 3.1.2 Sainmhíniú ar Iriseoireacht chun Leas an Phobail

Is é an sainmhíniú ar Iriseoireacht chun Leas an Phobail chun críocha na Scéime seo ná *‘iriseoireacht a bhfuil mar phríomhchuspóir aici saincheisteanna ar díol suntais don phobal iad a thaifeadadh, a imscrúdú agus a mhíniú, chun saoránaigh a spreagadh a bheith rannpháirteach i ndíospóireachtaí poiblí agus le bheith mar bhonn eolais ag cinnteoireacht dhaonlathach ar gach leibhéal rialtais*<sup>3</sup>.

### 3.1.3 Cuspóirí na Scéime

Is iad seo a leanas cuspóirí na Scéime:

- **Daonlathas Áitiúil** : cur leis an daonlathas áitiúil a chothú agus a neartú, lena n-áirítear tuiscint shaoránaigh agus a n-eolas ar Ghnóthaí Poiblí áitiúla agus teagmháil leo a fheabhsú;
- **Iolracht**: cruthú iriseoireachta chun leas an phobail a spreagadh agus a mhéadú ó réimse ilghnéitheach foinsí;
- **Caighdeán**: tacú le hiriseoireacht neamhspleách chun leas an phobail ar ardchaighdeán ar an daonlathas áitiúil atá cruinn agus cothrom ;
- **An Ghaeilge**: tacú leis an iriseoireacht seo trí Ghaeilge lasmuigh agus laistigh den Ghaeltacht;
- **Breisíocht**: infhaighteacht iriseoireachta chun leas an phobail atá cruinn agus cothrom a mhéadú, dá dtagraítear i míreanna (a) go (d) go saoránaigh;
- **Inscne, Comhionannas, Ionchuimsiú agus Éagsúlacht**: iriseoireacht chun leas an phobail a fhorbairt atá éagsúil, inrochtana, ionchuimsitheach agus ionadaíoch go cuí ar Éirinn an lae inniu.
- **Na Meán Áitiúla**: earnáil meán áitiúil láidir inbhuanaithe agus comhoibriú ar fud soláthraithe seirbhíse meán agus ar fud ardán a chothú agus a spreagadh (e.g. stáisiún raidió agus nuachtán áitiúil).
- **Inbhuanaitheacht Chomhshaoil**: tacaíocht agus spreagadh a thabhairt don dea-chleachtas maidir le hinbhuanaitheacht.

## 3.2 Cur chuige an Choimisiúin maidir le cur i bhfeidhm Scéimeanna Maoinithe

Agus aon scéim maoinithe á cur i bhfeidhm, glacann an Coimisiún cur chuige straitéiseach leathan maidir le cur i bhfeidhm scéimeanna den sórt sin bunaithe ar na tosaíochtaí seo a leanas:

- 1 Struchtúir a bhunú a dhíríonn ar phríomhchuspóirí na reachtaíochta agus a chinntíonn dáileadh éifeachtach an mhaoinithe;
- 2 Naisc láidre a thógáil agus sásraí a bhunú le haghaidh idirphlé le hearnáil na meán agus le gníomhaireachtaí eile san earnáil poiblí chun treochtaí sna meán agus i réimsí ábhartha a thomhas, agus chun bonn eolais a chur faoi chinntí amhail líon agus struchtúr na scéimeanna;
- 3 Solúbthacht a choinneáil laistigh de struchtúir scéimeanna chun riarachán agus bainistíocht éifeachtúil an chiste a chinntiú d'fhonn freagairt go héifeachtach do riachtanais earnáil na meán agus chun a chinntiú go mbainfear cuspóirí na scéimeanna amach.

Tá croíluachanna ann atá mar bhonn agus taca ag cur chuige an Choimisiúin i leith an chúraim a bhaineann le scéim a oibriú. Tá oibleagáid ar an gCoimisiún le bheith:

- Cothrom – inár bpróisis, inár nósanna imeachta, agus inár gcinntí.

<sup>3</sup> Tagair do Mholadh Thuarascáil FoMC 6-2, leathanach 170.

- Neamhspleách – ag feidhmiú mar rialtóir neamhchlaonta.
- Saineolach – trí éirí eolach trí rannpháirteachas, taighde, agus tiomantas d'fhoghlaim ghairmiúil.
- Cuntasach – inár gcinntí, inár rialachas, agus inár n-acmhainní.

## 4 Scóip na Scéime Tuairiscithe Daonlathais Áitiúil

### 4.1 Iriseoireacht chun Leas an Phobail

Tacóidh an Scéim Tuairiscithe Daonlathais Áitiúil le hiriseoireacht chun leas an phobail ar chúrsaí gnóthaí poiblí áitiúla ar bhonn neodrach ó thaobh ardáin de a chomhlíonann na ceanglais i dtéarmaí na gcaighdeán, tiomantas don iriseoireacht chun leas an phobail, infhaighteacht – do shaoránaigh thar aon ní eile – agus athúsáid (féach Cuid 4.3 Critéir Incháilitheachta thíos).

### 4.2 Ábhar

Tairgeann an Scéim Tuairiscithe Daonlathais Áitiúil tacaíocht maoinithe chun iriseoireacht **bhreise** chun leas an phobail ar ardchaighdeán a chruthú ar na cúrsaí gnóthaí poiblí áitiúla seo a leanas:

- a) Clúdach cuimsitheach ar imeachtaí na n-údarás áitiúil agus na gcoistí lena mbaineann;
- b) Tuairisciú ar fheidhmeanna agus ar ghníomhaíochtaí na n-údarás áitiúil;
- c) Athbhreithniú a dhéanamh ar fhoilseacháin agus ar thaifid chun scéalta, ar ábhar spéise don phobal iad, a aithint;
- d) Tuairisciú ar ábhair eile a bhaineann leis an daonlathas áitiúil atá chun leas an phobail.

### 4.3 Critéir Incháilitheachta

Féadfaidh soláthraithe seirbhíse meán nuachta agus cúrsaí reatha nó saoiriseoir iarratais ar Scéim Tuairiscithe Daonlathais Áitiúil a chur isteach i gcomhpháirtíocht le soláthraí seirbhíse meán dá leithéid. Leagann na critéir incháilitheachta síos na híoschaighdeáin nach mór a bhaint amach chun a bheith incháilithe chun iarratas a dhéanamh ar mhaoiniú.

- a) Caighdeán den Scoth

Ní mhaoineoidh an Coimisiún ach cruthú iriseoireacht chun leas an phobail a léiríonn saineolas eagarthóireachta, cumas agus dea-theist chuí agus ballraíocht de Chomhairle Preasa na hÉireann (preasfoilseacháin, lena n-áirítear nuachtáin chlóite agus ar líne/seirbhísí nuachta) nó a chloíonn le caighdeán agus Cóid Chleachtais ábhartha an Choimisiúin (seirbhísí craolacháin agus físeáin ar éileamh) nó comhlachtaí rialála comhchosúla eile de chuid an Aontais Eorpaigh de sholáthraithe seirbhíse meán.

- b) Gealltanais chuig an iriseoireachta chun leas an phobail áitiúil

Beidh an Coimisiún ag súil go léireoidh iarratasóir dea-theist ar thiomantas leanúnach d'iriseoireacht chun leas an phobail áitiúil, nó plean ina leith, agus go léireoidh sé/sí bealach chun an iriseoireacht sin a dháileadh ar an lucht/na lucht féachana atá beartaithe. Sa chomhthéacs seo, is é croífhócas Scéim Tuairiscithe Daonlathais Áitiúil clúdach cuimsitheach a sholáthar ar imeachtaí na gcúirteanna áitiúla agus réigiúnacha agus leithdháilfear maoiniú ar bhonn geografach. Cuirfear babhtáí maoinithe oscailte inchonspóide i bhfeidhm do gach ceann de na tríocha a haon (31) limistéar údaráis áitiúil<sup>4</sup>. I gcás

<sup>4</sup> Tagair don liosta in Aguisín 1.



limistéir údaráis áitiúil a gcuimsítear Gaeltacht iontu, tabharfar aird ar chruthú agus ar dháileadh iriseoireacht chun leas an phobail áitiúil i nGaeilge. I gcás ceantair a gcuimsítear Limistéir Pleanála Teanga Gaeltachta nó Baile Seirbhíse Gaeltachta nó Líonra Gaeilge, chinnteofar cruthú agus dáileadh iriseoireacht chun leas an phobail áitiúil i nGaeilge agus léireoidh iarratasóir plean chun seo a chinntiú.

c) Ar fáil go saor do phobal na hÉireann

Ní mór an t-ábhar maoinithe go léir a chur ar fáil do sholáthraithe meán eile agus do phobal na hÉireann saor in aisce tráth nach déanaí ná seacht (7) lá tar éis don deontáí aon ábhar maoinithe a fhoilsiú, nó níos luaithe más mian leis an deontáí é, agus é a uaslódáil chuig mol láraithe, atá le forbairt agus le bainistiú ag an gCoimisiún. Foilseoidh an Coimisiún treoir agus cáipéisíocht tacaíochta d'úsáideoirí, lena n-áirítear na caighdeáin theicniúla agus na ceanglais maidir le hábhar a chur faoi bhráid aon mhol lárnach.

I gcásanna ina ngearrann deontáí táille ar rochtain ar ábhar ar a sheirbhís, amhail táille síntiúis nó muirear, ní mór don deontáí a chinntiú go bhfuil ábhar a mhaoiníonn an Scéim ar fáil go comhuaineach ar an tseirbhís sin saor in aisce.

d) Ar fáil go saor in aisce lena n-athúsáid agus/ nó lena ndáileadh

Beidh cead ag deontáí úinéireacht agus cóipcheart a choinneáil ar ábhar maoinithe a tháirgtear mar chuid den Scéim ar feadh tréimhse seacht (7) lá amháin, agus ina dhiaidh sin ní mór an t-ábhar a uaslódáil chuig an mol lárnach agus beidh cead ag daoine ansin an t-ábhar maoinithe ar an mol a roinnt nó a úsáid faoi réir rialacha aitreabúideachta. Sa chomhthéacs sin, mar chuid de dhámhachtain mhaoinithe, beidh oibleagáid ar dheontáí ceadúnas a dhéanamh d'ábhar cruthaitheach comhroinnte atá le ceapadh ag an gCoimisiún. D'fhéadfadh riachtanais admhála a bheith san áireamh sa cheadúnas seo, mar shampla:

- ainm agus lógó fhaighteoir an deontais;
- ainm na n-údar/rannpháirtithe don ábhar seirbhíse poiblí;
- nasc inrochtana (má fhoilsítear/má chuirtear ar fáil ar líne é) leis an mbunalt; agus,
- aon ní eile is cuí dar le Coimisiún na Meán.

e) Rochtain

Beidh an t-ábhar a mhaoinítear faoin scéim mhaoinithe seo ar fáil go poiblí agus beidh sé inrochtana do chách. Áireofar sa cháipéisíocht treorach do bhabhta maoinithe sonraí maidir leis na hoibleagáidí maidir le hinrochtaineacht ábhair mhaoinithe ar fud na n-ardán go léir.

f) Eisiaimh

Ní bheidh maoiniú ar fáil chun na nithe seo a leanas a mhaoiniú:

- Gníomhaíochtaí nach mbaineann go díreach le ábhair iriseoireachta chun leas an phobail maoinithe a chruthú.
- Trealamh nó áitreabh a cheannach (maoiniú caipitiúil).
- Dímhéas.



#### 4.4 Rochtain Phoiblí ar Chláir Mhaoinithe

Tá rochtain phoiblí ar iriseoireacht chun leas an phobail a mhaoinítear faoin scéim mar chuid de na príomhchuspóirí agus go fadtéarmach, beidh an iriseoireacht chun leas an phobail maoinithe ar fad ar fáil agus i gcartlann, i nGaeilge agus i mBéarla, agus inrochtana go poiblí do chách ar mhol / tairseach lárnach atá le forbairt agus le bainistiú ag an gCoimisiún.

San idirlinn, cuirfidh an Coimisiún an t-ábhar ar fáil ar a shuíomh gréasáin, <https://www.cnam.ie/ga/>.

#### 4.5 Bearta Coimhdeacha: Béim ar Ábhar chun Leas an Phobail

Cuirfidh an Coimisiún cibé bearta coimhdeacha chun feidhme is cuí leis chun tacú le cuspóirí na Scéime seo a bhaint amach. D'fhéadfadh sin a bheith ina chúis le bearta a chur ar fáil chun cúnamh a thabhairt do sholáthraithe seirbhíse meán chun píosaí nó sraith fócais dhomhain a dhéanamh faoi réimse leathan saincheisteanna a eascraíonn as clúdach údarás áitiúil nó fóram daonlathach áitiúil eile, nó ábhair ghaolmhara, ach gan a bheith teoranta don mhéid sin. Tugtar tús áite d'ábhar tras-ardán fadfhoirme.

Leithdháilfidh an Coimisiún idir 5% agus 10% den mhaoiniú bliantúil don Scéim ar thionscadail nó ar oibreacha téamacha den sórt sin gach bliain agus féadfaidh sé tacú le bearta ar bhonn náisiúnta.

## 5 Maoiniú

#### 5.1 Leithdháileadh cistí laistigh de Scéim Tuairiscithe Daonlathais Áitiúil

Beidh dámhachtain na gcistí i gcomhréir le tuairisciú ar ábhair a bhaineann le rialtas áitiúil an cheantair/réigiúin shonraigh ar dámhadh an conradh ina leith. Maidir leis seo, féachfaidh an Coimisiún le deontas amháin ar a laghad a leithdháileadh in aghaidh an cheantair faoi réir na caighdeán riachtanacha a bhaint amach agus le linn cinneadh a dhéanamh maidir le haon mhéid deontais, tabharfar aird ar roinnt tosca, lena n-áirítear daonra, líon na ndúichí, cuarda, iolracht i bhfoinsí d'iriseoireacht chun leas an phobail agus mar sin de. Tabharfaidh an iolracht i bhfoinsí aird ar an leibhéal foriomlán dámhachtana a dhámhtar ar aon soláthraí seirbhíse meán amháin agus sa chomhthéacs sin, féadfaidh an Coimisiún bearta iomchuí a dhéanamh chun teorainn a chur leis an leibhéal foriomlán maoinithe a dhámhtar ar aon soláthraí seirbhíse meán ar leith a bhfuil roinnt soláthraithe meán aige, lena n-áirítear ar fud gach ardán<sup>5</sup>.

#### 5.2 Cineálacha deontais

Beidh an tsolúbthacht ag an gCoimisiún an cur chuige is iomchuí a chinneadh, de réir an cháis i réimse ar leith, maidir le cistiú a leithdháileadh ar iarratasóirí ar dheontais agus beidh de rogha aige cistiú a dhámhachtain, de réir mar is cuí leis, ar aon cheann de na bealaí seo a leanas:

- maoiniú do sholáthraí seirbhíse meán chun cur ar a chumas daoine atá ag obair mar shaoririseoirí a fhostú chun ábhar seirbhíse poiblí breise a sholáthar;
- maoiniú do sholáthraí seirbhíse meán a chuireann ar a chumas fostaí atá ann cheana a athrú ó phatrún oibre páirtaimseartha go patrún oibre lánaimseartha chun ábhar seirbhíse poiblí breise a sheachadadh;

<sup>5</sup> Tagair do Chuid 13 den Mheabhrán Tuisceana idir an Roinn Turasóireachta, Cultúir, Ealaíon, Gaeltachta, Spóirt agus Meán agus Coimisiún na Meán maidir le Dearadh agus Cur i bhFeidhm na Scéimeanna Tuairiscithe Daonlathais Áitiúil agus na gCúirteanna.



- maoiniú do sholáthraí seirbhíse meán a chuireann ar a chumas fostaí nua a fhostú ar chonradh téarma sheasta chun ábhar seirbhíse poiblí breise a sheachadadh; agus, faoi réir rogha an Choimisiúin;
- ina theannta sin, moltar go bhféadfadh daoine atá ag obair mar shaoririseoirí iarratas a dhéanamh go díreach ar mhaoiniú chun ábhar seirbhíse poiblí a sheachadadh. D'éileodh iarratas den sórt sin comhpháirtíocht le heagraíocht meán amháin nó níos mó arna rialáil go hiomchuí, a ráthódh go bhfoilseofaí obair a tháirgeann an saoroibrí.

Éileofar faoin Scéim nach rachaidh aon chonradh fostaíochta a dhéantar idir eagraíocht meán agus iriseoir de bhun na Scéime thar thréimhse de 12 mhí.

Go ginearálta, leithdháilfidh an Coimisiún deontais faoin Scéim Tuairiscithe Daonlathais Áitiúil a léiríonn 100% de chostais incháilithe na hiriseoireachta beartaithe agus costais eagarthóireachta agus forchostais a bhaineann go díreach leo.

Foilseofar cáipéisíocht treorach do gach babhta maoinithe agus beidh faisnéis mhionsonraithe ann faoi leibhéal na ndámhachtainí deontais agus teimpléid bhuiséid ina leagfar amach na costais cheadaithe faoin Scéim, a chiumseoidh aird ar rátaí córa margaidh d'iriseoirí.

### 5.3 Oibleagáidí faoi Rialacha an AE maidir le Státchabhair

Caithfidh an Coimisiún an scéim maoinithe a oibriú de réir cheanglais Rialacha an AE maidir le Státchabhair agus tá Cinneadh maidir le Seirbhís lena nGabhann Leas Eacnamaíoch Ginearálta (2012/21/AE) á chur i bhfeidhm acu. Áirítear ar na ceanglais chomhlíonta trédhearcacht iomlán ar nós foilsíú dámhachtainí maoinithe ar shuíomh gréasáin Choimisiúin na Meán agus an Scéim a áireamh i dtuarascáil a chuirtear faoi bhráid an Choimisiúin Eorpaigh gach dhá bhliain. Is í an Roinn Fiontar, Trádála agus Fostaíochta atá i gceannas ar an tuarascáil sin agus déanfaidh an Roinn comhordú ar fhaisnéis a thabhairt ar ais ón gCoimisiún ina leith seo.

Sa bhreis ar Airteagal 8 de Chinneadh maidir le Seirbhís lena nGabhann Leas Eacnamaíoch Ginearálta, ní mór don Choimisiún an fhaisnéis uile is gá a choinneáil maidir le dámhachtainí maoinithe don thréimhse chistiúcháin araon agus ina dhiaidh sin, ar feadh deich (10) mbliana ina dhiaidh sin chun a áirithiú gur féidir le CE iniúchadh a dhéanamh ar dheontas nó ar dheontais chun a *chinneadh an bhfuil an cúiteamh a dheonaítear comhoiriúnach* leis an gCinneadh maidir le Seirbhís lena nGabhann Leas Eacnamaíoch Ginearálta.

### 5.4 Babhtaí Maoinithe

Leithdháilfidh an Coimisiún maoiniú trí úsáid a bhaint as córas babhtaí maoinithe inchonspóide. Braithfidh líon na mbabhtaí maoinithe ar raon cúinsí, lena n-áirítear infhaighteacht maoinithe agus riachtanas oibríochtúil don Choimisiún.

### 5.5 Maoiniú a Admháil

Ceanglaítear go conarthach ar iarratasóirí a fhaigheann maoiniú ón gCoimisiún an tacaíocht seo a admháil go foirmiúil i bhformáid atá inghlactha ag an gCoimisiún. Forchoimeádann an Coimisiún an ceart treoirínite a eisiúint d'iarratasóirí ina sonraítear ceanglais bheachta ina leith sin.



## 6 Iarratas, Measúnú agus Dámhachtainí

Is é an rud is tábhachtaí ag an gCoimisiún ná go bhfuil na próisis iarratais, mheasúnaithe agus dámhachtana trédhearcach, cothromasach agus indeimhnithe. D'aontaigh agus d'fheidhmigh an Coimisiún prionsabail leathana maidir leis na próisis seo ar fud scéimeanna maoinithe mar atá leagtha amach thíos. Cuirfidh an Coimisiún faisnéis maidir leis na próisis agus na nósanna imeachta chun iarratais a dhéanamh, an próiseas measúnaithe, conraitheoireacht agus eislocaíocht a chur ar fáil go poiblí.

### 6.1 An Próiseas Iarratais

Foilseoidh an Coimisiún faisnéis faoi ghníomhaíochtaí maoinithe atá le teacht agus áireofar inti: sonraí maidir le conas aighneachtaí a dhéanamh, faisnéis incháilitheachta, achair ama iarratais, sonraí faoi chritéir mheasúnaithe agus faisnéis fhorlontach eile de réir mar a mheastar a bheith cuí.

### 6.2 An Próiseas Measúnaithe

Tá na ceithre chéim fhéideartha seo a leanas mar chuid de phróiseas measúnaithe den Scéim Tuairiscithe Daonlathais Áitiúil:

#### 6.2.1 Réamh-Mheastóireacht

Is é cuspóir na réamh-mheastóireachta a chinntiú go bhfuil iarratasóir incháilithe do mhaoiniú faoin scéim. Is é an fócas anseo ná a chinntiú gur comhlíonadh critéir íosta agus gur cuireadh an cháipéisíocht riachtanach ar fad isteach. Tá aon iarratais nach n-éiríonn leo ag céim na réamh-mheastóireachta dícháilithe agus níl dhéanfar iad a mheas a thuilleadh.

#### 6.2.2 Measúnú Cáilíochtúil

Déantar gach iarratas a mheas ar a fhiúntas féin i gcomhthéacs na gcritéar measúnaithe atá leagtha amach i gcáipéisíocht teorach an Choimisiúin a fhoilsítear chun eolas agus tacaíocht a thabhairt d'iarratasóirí ionchasacha agus iarratas á dhéanamh acu ar an Scéim Tuairiscithe Daonlathais Áitiúil.

#### 6.2.3 Measúnú Straitéiseach

Sna cásanna ina bhfuil níos mó iarratais cháilithe ná maoiniú ar fáil, beidh céim mheasúnaithe eile ag an gCoimisiún. Díreoidh sé seo ar chothromaíocht a aimsiú i bpacáiste foriomlán na dtionscadal maoinithe i gcomhthéacs chuspóirí na scéime do gach limistéar údarais áitiúil. Breathnófar anseo freisin ar na moltaí ón gcéim cháilíochtúil. Cuirfear na moltaí deireanacha faoi bhráid na gCoimisinéirí ansin lena ndaingniú.

#### 6.2.4 Daingniú Foirmiúil

Sa chéim dheiridh déanann Coimisiún na Meán daingniú ar phacáiste foriomlán na n-iarratas a mholtar le haghaidh maoinithe agus áirítear leis sin aird ar chuspóirí an bhabhta maoinithe a chomhlíonadh.

### 6.3 An Próiseas Dámhachtana

Sa chás go bhfuil iarratas ar mhaoiniú ceadaithe ag an gCoimisiún tá feidhm ag na céimeanna seo a leanas:

- i. Cuireann an Coimisiún an t-iarratasóir ar an eolas faoin gcinneadh, ina leagtar amach aon choinníoll/choinníollacha a ghabhann leis an tairiscint.
- ii. Cuirfidh an Coimisiún liosta de na tairiscintí maoinithe atá daingnithe ag na Coimisinéirí ar fáil don phobal.
- iii. Ní mór don iarratasóir a n-éireoidh leis/léi a dheimhniú go nglacann sé/sí leis an tairiscint mhaoinithe agus le haon choinníoll/choinníollacha a ghabhann leis sin ón gCoimisiún.

- iv. Ceanglaítear ar iarratasóir rathúil comhaontú conarthach a dhéanamh leis an gCoimisiún, ar théarmaí a shonróidh an Coimisiún. Áirítear ar théarmaí den sórt sin sceideal a bhaineann le tarraingt anuas cistí ag iarratasóir.

Riarann an Coimisiún cistí de réir théarmaí an chomhaontaithe chonarthaigh. Maidir leis an scéim phíolótach sin, níor cheart (nó ní rachaidh) téarma an chonartha maoinithe thar thréimhse dhá mhí dhéag. Sa chás inar dhiúltaigh an Coimisiún d'iarratas ar mhaoiniú, tugtar fógra d'iarratasóirí ar bhonn aonair agus tugtar faisnéis dóibh maidir leis an gcaoi ar éirigh lena n-iarratais sa phróiseas measúnaithe.

**Forbróidh an Coimisiún córas caighdeánaithe pointí chun bonn eolais a chur faoin meastóireacht ar iarratais agus faoin aiseolas a thugtar d'iarratasóir.**

## 7 Athbhreithniú ar an Scéim Tuairiscithe Daonlathais Áitiúil

Mar a dhéantar soláthar di faoi Thuarascáil FoMC, tá an Scéim Tuairiscithe Daonlathais Áitiúil á bunú ar bhonn píolótach ar feadh tréimhse tosaigh dhá mhí dhéag (12) agus déanfaidh an Coimisiún athbhreithniú ar oibriú, éifeachtacht agus tionchar na Scéime ar chríochnú na céime píolótaí seo agus tabharfaidh sé tuarascáil i scríbhinn don Aire ar an athbhreithniú.

Beidh an mheastóireacht seo ar an scéim píolótach mar bhonn eolais ag forbairt beartais ar leaganacha den Scéim amach anseo.



## 8 Aguisín 1 – Liosta d’Údaráis Áitiúla

Comhairlí Contae	Réigiún Gaeltachta
Comhairle Contae Cheatharlach	-
Comhairle Contae an Chabháin	-
Comhairle Contae an Chláir	-
Comhairle Cathrach Chorcaí	Tá
Comhairle Contae Dhún na nGall	Tá
Comhairle Contae Dhún Laoghaire-Ráth an Dúin	-
Comhairle Contae Fhine Gall	-
Comhairle Contae na Gaillimhe	Tá
Comhairle Contae Chiarraí	Tá
Comhairle Contae Chill Dara	-
Comhairle Contae Chill Chainnigh	-
Comhairle Contae Laoise	-
Comhairle Contae Liatroma	-
Comhairle Cathrach agus Contae Luimnigh	-
Comhairle Contae an Longfoirt	-
Comhairle Contae Lú	-
Comhairle Contae Mhaigh Eo	Tá
Comhairle Contae na Mí	Tá
Comhairle Contae Mhuineacháin	-
Comhairle Contae Uíbh Fhailí	-
Comhairle Contae Ros Comáin	-
Comhairle Contae Shligigh	-
Comhairle Contae Baile Átha Cliath Theas	-
Comhairle Contae Thiobraid Árann	-
Comhairle Cathrach agus Contae Phort Láirge	Tá
Comhairle Contae na hIarmhí	-
Comhairle Contae Loch Garman	-
Comhairle Contae Chill Mhantáin	-

Comhairlí Cathrach	Réigiún Gaeltachta
Comhairle Cathrach Chorcaí	
Comhairle Cathrach Bhaile Átha Cliath	
Comhairle Cathrach na Gaillimhe	Tá
Comhairle Cathrach agus Contae Luimnigh	
Comhairle Cathrach agus Contae Phort Láirge	

Tionóil Réigiúnacha	Réigiún Gaeltachta
Tionól Réigiúnach Oirthir agus Lár-Tíre	Tá
Tionól Réigiúnach an Tuaiscirt agus an Iarthair	Tá
Tionól Réigiúnach an Deiscirt	Tá

